



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Speculum Approbandorum Bipartitum**

**Unczovsky, Marianus**

**Coloniæ Agrippinæ, 1693**

Sermo Authoris ad Lectorem.

**urn:nbn:de:hbz:466:1-37308**

*Sermo Authoris ad  
Lectorem.*

**Q**uam utilis, & quam  
necessaria sit in mun-  
do ars curandi & cor-  
pus & animam, abs-  
que dubio experien-  
tia docente scis benevole Lector,  
nec te latere potest, si utriusque in  
homine partis graves & periculosas  
ægritudines, quæ indies accidunt  
spectes; hac de causa Increata Sapi-  
entia, attingens à fine usque ad fi-  
nem fortiter, suaviterque disponens  
omnia, unicuique hominum juxta  
qualitatem naturæ, & exigentiam  
providere dignata fuit de Medico &  
medicina corporali ac spiritali, ad  
cu-

curam & conservationem corporis  
 & animæ; & quidem pro cura & sa-  
 lute animæ instituit Sacraméta, qui-  
 bus virtutem sonandi dederunt: Pas-  
 sio, Sanguis pretiosus Domini No-  
 stri JESU Christi, ejusque merita va-  
 loris infiniti, deputando pro Medi-  
 cis spiritualibus Sacerdotes. Utrius-  
 que Medici necessitatem expressam  
 habes in Sac. Scriptura, cum diver-  
 so operandi modo, medicinarum-  
 que diversitate, propter infirmitates  
 diversas: siquidem ægitudines cor-  
 porales accidunt contrà, spirituales  
 verò juxtà velle, ac placitum homi-  
 nis utpotè procedètes ex electione,  
 atque liberi arbitrij consensu. Ulte-  
 riorem differentiam inter infirmita-  
 tem corporis & animæ, absque os-  
 tensione mea advertes, quando utri-  
 usque ægri statum attentè perpen-

des: ):(s

des: videbis enim corporali infirmitati subjectum, ex ardenti affectu recuperanda sanitatis presentiam Medici magis, quam amici instanti postulare, impatienter expectare, ejus mandatis non solum in sumptione suavis, verum & amaræ medicinæ punctualissimè obtemperare, pellem & carnem ferro scindendam fortiter exponere, ac demum intensos dolores non parvo pretiò solvere. E contrà sæpè infirmum spiritualiter, ac vulneratum in anima, cujus infirmitati causam præbuit iniqua voluntas, miraberis inter tot, ac tantam vulnera hilarem, media congruâ quærere negligentem, imò & contemnentem, ac veluti phreneticum oblatam à Medico spirituali medicinam respuentem, provocatâ hoc modo ad iram Majestate Divi-

vi-

vinâ. Id sanè observârunt, & hu-  
 cusque observant operarij in vinea  
 Domini circâ multos, quibus nihil  
 adeò difficile, quàm ambulare in via  
 mandatorum DEI, & facere bene,  
 nihil tam facile ac delectabile, quàm  
 sedere in tenebris peccatorum: hinc  
 sæpè numero accidit, ut piorû Con-  
 fessorum corda saturata verbis a-  
 cerbis, furiosisque responsis, reced-  
 ant à Pœnitente inobediente cum  
 tristitia, quorum tamen prudentia  
 facit, ut persistant in modo operan-  
 di conducente ad salutem per pia  
 monita, & actus charitatis, patien-  
 ter ea, quæ non rarò ægro suggerit  
 imprudentia, & quæ ex maculato,  
 atque à DEO averso procedunt cors-  
 de, supportando, atque pro illorum  
 conversione Divinam Clementiam  
 implorando, Ex his facilè deduci

):(6 po-

potest gravitas, quam importat officium Medici Spiritualis, & adverti, quarum virtutum odorem spargere debeat is apud quem est unguentum CHRISTI, & cui excitatos ad pœnitentiam per Disseminatores verbi Divini competit recipere, atque in foro Pœnitentialem judicare; sanè tanti officij, tantæque potestatis exercitiûm magnam postulat scientiam, singularem requirit prudētiam, quo non considerato, multi, etsi parùm litterati, nihilominus statim, ac Characterem Sacerdotalem sunt insigniti, toto conatu quærunt, atque anhelant esse Judices, & Conscientiarum Directores, non perpendentes, quantum debilitati cupiēs occurrere, juxta promissum in Opusculo pro ordinandis, nuper in lucem dato, ac

DI-



DISCIPULUS ORDINANDUS,  
intitulato, clarè, ac succinctè, per  
centum Quæstiones propono mate-  
riam necessariam ad Ministros Sacra-  
menti Pœnitentiæ, curamque ani-  
marum habentes spectantem; non  
unius duntaxat Authoris sententi-  
am amplector, verùm ad instar apis  
in diversis hortis ex diversis floribus  
mel colligo, ejusque dulcedinem si-  
nè invidia communico. Lege bene-  
vole Lector scripta ad majorem DEI  
gloriam, singulaque pro salute pro-  
ximi applica.

Art.